



kat.komp.

17644

orth.

I Mag. St. Dr. P

*Jurkowski Stanisław. Verbum et laboris
mnemosyon.*

PANEG. et VITAE

Polon. 4.

M. 339.

Biblioteka Jagiellońska



stdr0002466

VIRTUTIS & LABORIS
MNEMOSYNON

Adm̄ Reuerendis & Clarissimis Dominis

BARTHOLOMÆO
IANVSCHOVIC,

ET

IACOBO GORSKI
I. V. Licentiatis & Professoribus,

Dum

In Alma ACADEMIA Cracouien̄:
iix. Idus Aprilis, Anno Domini
CIC IDC XXXIV.

Ad Ædem
SANCTISSIMÆ TRINITATIS
ritu solenni



IURIS VTRIVSQUE DOCTORES
renunciarentur.

A

M. STANISLAO JURKOWSKI,

Philosophiæ Doctore & Professore,

Collega Minore,

In argumentum
debitæ obseruantiaë
conscriptum.

17644 I

Virtutis & laboris

M N E M O S Y N O N.

HÆc illa pulchra laurea gloriæ,
Splendet ævo vindice, nec decus
Insigne Musis, nec labori
Laudis honos aberit decore.

O quis supinâ lentus inertia?
Quis delicato turgidus otio?
Te Phebe pulcer, te venusta
Fama, sacris sociata curis,

Poscat proteruus? Non, opibus licet
Exaggeratis fultus inambulet,
Latèq; regnet, perbeat, is,
Muneribus potietur heres.

Nec qui, superbos sumere spiritus
Suetus, parentum sanguine, Troicos
Attingat Heroas potentes,
Et proavos numeret vetustos.

Verum quem amena sospitet indolis
Felix facultas, & studium vigil,
Inq̄ arduis rebus probata,
Quem rapiat super astra virtus.

Desideratis dignus honoribus,
Hic ille, Divum munere, habebitur:
Nomenq̄ victurum, metallo
Magnanimus potiore sculpet.

Si per negatas scandere semitas,
Vocet virescens gloria, nobili
Lauru, per ignes, perq̄ saxa,
Ibit iners superare collem.

Nec antè ceptum destituet decus,
Quam calle summo constiterit bene:
Contemptor inuictus pericli,
Et decorum pretiosus emptor.

Testis mearum, Docte IANVS, CHORI,
Sententiarum, dexteritas tua,
Spectata magnorum laborum
Mole super, vigiliq̄ cura.

Musis

Musis amicum te penetrabilibus,
Apollo Thymbraeus, Aonijs, sacro
Choro Camenarum, & verendum
Thuricremis sociavit aris.

Vulgiq; suavit, denia passibus,
Fastidiosi, carpere culmina:
Quò te labor non penitendus,
Quò Enthea vis animi trahebat.

Postquam tenellum matris ab ubere,
Te dia Pallas, risit amabili
Adspectu, & afflârunt venustum
Flexanimæ Charites leporem.

Tum, regna & urbes, que, imperiis regit,
Et aure vinctâ torquibus aureis,
Curru triumphali, superba
Ponè trahit populos sequaces,

Suadela dulcis, nectare melleo,
Consperisit oris labra decentia,
Linguamq; non parco liquore
Imbuit, Eloquij sùavis,

A 3

Quo

Quo tu stupendus, Sarmatica indolis,
Musæ & virilis, regna per inclyta,
Laudem propagasses perennem,
Ingenio generosiore.

Ni destinatas querere laureas
Malles, retrusisq; in penetralibus,
Urgere naturæ latentés
Diuitias opulentiores.

Audax volucris, præpetis ingenî,
Pennâ vagari, per liquidum aëra:
Audax tueri sparsa celo
Sydera, lumine curioso.

Terræq; auaris, abdita, montibus,
Metalla scrutari, atq; cupidine
Nostrâ æstimatos, experiri,
Non humili precio, uniones.

Nec hîc refedit vis animi tua,
Et ille mentis, fortior impetus,
Virtute fortunâq; palmis
Nobilioribus imminentis.

Sed in-

*Sed inuidendas iussit adoras,
Inter seueros iustitia Patres
Interq̄, scita Principum, atq̄,
Querere, Pontificum statuta.*

*Testis mearum, Docte IANVSCHOVI,
Sententiarum, Gnesna Polonia
Quondam caput Princepsq̄, ubi tu
Strenuus arbiter equitatis.*

*Stupente Clero, tot labyrintheis,
Perplexæ legum vincula, flexibus,
Non vsitatis explicabas
Artibus, ingenioq̄, miro.*

*Et testis tuo semper in ultimo
Erit, tuarum laudum Academia,
Famæ perennantis per annos
Innumeros, generosa nutrix.*

*Nec te silebo, præsidium & decus,
GORSCI, Togatæ gentis, & inclyti
Ornamentum augustum Lycei,
Ingenio celebrande magno.*

Cui

Cum auspiciò, commemorabilis
Famæ theatrum, visere contigit :
Nomenq̃, lucrari emulandum
Sedulitate seueriore.

Te olim virentem vere puertie,
Inexplicatarum Dialectica
Argutiarum altrix, pauentem
Purpureo recreauit ore.

Filoq̃ rexit, sollicitum pedem,
Timente falli, ne per inhospitas
Vias, per anfractusq̃ cecos,
Deciperent tennes Sophista.

Quibusq̃ doctæ, ritibus & modis,
Artes colantur, rursus ineptias
Tumultuoso splene dignas,
Qui tolerant, docuit fidelis.

Non tu, dolosis cedere Dædalis,
Doctusue subter currere cyclica
Figmenta, rixantum Sophorum,
Inferior posuisse vultum

Es visus

Es visus unquam: siue Sophismata
Nodosa contra, te te animosior
 Auferret astus: seu malignè
 Dexterior premeres rebellem.

Hac arte fretus, diuitis ingenti,
Exercitatis muneribus potens,
 Quidquid Platonis dia Musa,
 Quidquid Aristotelis beata

Felicitas nectit sapientie,
Ausu occupasti magnanimo impiger:
 Narrabit euo quod nepotum,
 Posteritas, rigida estimatrix


Virtutis alma. Dicet Atheneum
Illustre Craci, quanta laboribus
 Parâris ornamenta, quantis
 Laudibus institeris Professor,

At & verenda te studium Themis,
Tutela iurisq; eximet, eximet,
 Iniuriose obliuioni,
 Consilijs animose G O R S C I,

Cuius

Cuius sacratis auctus honoribus,
Inter laborum debita premia,
Voto vniuersorum adprecante
Eximios titulosprehendis.

Sic viue felix, sic Academie,
Perenne nomen, consilijs tuis
Firma: illius iam iam futurus
Maxima spes, columenq; firmum.



BIBLIOTH. UNIV.
JAGELLONICÆ

3.

18.

